

Solche seltsame Arthen erdacht/ davon auch F. v. Andri Mutter niemals etwas gehört/ auch weder dem Hermeti, Gebro noch Lullio jemals etwas davon geträumet/ wie der wegen ihre wunderliche Dessen gewesen/ also ist auch ihr Werk wunderlich/ ja gar zu nichts worden/ denn wenn man die operation der Natur ansiehet/ so weis sie von solchen subtilitäten weniger als nichts/ sondern sie würkt einig vñ allein ganz schlecht/ gebrauche sich mehr nicht als eines einigen Dfens/ vnd ihres natürlichen Fewers/ vnd verichtet alle operationes, welche zu Aussertigung der Metallen vnd mineralien von nothen/ aber die gemeinen Laboranten brauchen selbame Dessen vnd mancherley Fewer/ vnd riechten mehr nicht aus/ als daß sie der Natur Werk corruptirn, vnd aus ichis nichts machen.

In der Arzney hat dieses Alumen wenig Eugenden / weis mich nicht zuerinnern/ daß ich es jemals gebraucht/ ohne zu etlichen Pfästern hab ichs bisweilen genommen/ denn ich besunden/ daß es die Flüsse gewaltig austrocknet.

DE SALE HARMONIA CO. Von dem Salmiac vnd dessen Reinigung.

Der Salmiac sol rohe nicht gebraucht/ sondern zuvor ein mal oder drey mit gedörretem Salz sublimirt werden/ so steigt er auff/ schön weiß wie linde Baumwolle/ vnd henget sich in den Helm wie ein sublimirter sulphur, denselben reinen sol man in ein reines Pappier abfehren/ den andern aber/ so noch grob/ wiederumb zerstossen/ vnd zum andern oder dritten mal mit frischem Salz sublimirn, bis daß er aller subtil vnd rein sich auff sublimire.

Dieser Salmiac kan zu vielen Sachen gebraucht werden/ so man das Antimonium damit sublimirt, steigen schöne weisse flores in der sublimation auff/ vnd so man hernach den Salmiac mit warmen Wasser wiederumb solviret vnd absüsset/ bleibt das Antimonium schön wie ein rothes Saffran-Pülverlein am Boden des Glases liegen/ das sol man hernach in einer sanftesten Wärme trucken vnd zum Gebrauch auffheben.

Mercurius vivus wird gleicher Gestalt mit dem Salmiac auffsublimirt, als denn verleuret er hernach seinen Namen/ vnd wird